

沅陵縣志卷三十九

祥異

唐

貞元二十一年熊武五溪水鬪唐書五行志

永貞元年夏熊武五溪溢五行志

元和十一年十一月甲戌元疑沅字陵火五行志

宋

乾德元年水鬪宋史蠻夷傳

開寶三年八月辰州廨火燔軍資庫宋史五行志

咸平三年八月公田禾生一莖三穗者四五行志

沅陵縣志

卷三十九 祥異

一

致和四年六月江漲流出楠木二十七株可為明堂樑柱

蔡京等表賀五行志

隆興間漲水滄頽府城覆於隍府志

淳熙十六年五月丙辰山水暴溢府城沒一丈五尺漂民

廬舍本紀 五行志

元

大德三年五月旱免其酒課夏稅仍以糧賑之元史本紀

七年四月螟十一月饑是年以轉輸軍餉勞免稅糧一年

淘金站戶無種佃者免雜役一年本紀 五行志

十年十一月歲饑減糶米二萬一千餘石賑之本紀

皇慶二年五月水以米鈔賑之 元史五行志

延祐元年七月水 本紀補

二年五月饑 本紀補

按本紀三年五月賑辰潭永寶慶桂陽澧道等路是三年復饑也

至治二年六月壬午江溢壞廬舍 府本志

泰定元年饑 五行志

按湖南通志按本紀書三年七月辰州火考府志是月辰州辰谿火則是無關邑事也

至順二年七月蟲傷稼免今年租 本紀

沅陵縣志 卷三十九 祥異 二

至正中萬戶司理所兵燹 府志

府志辰州之名始自隋所紀災變少故不妨從畧唐以來則紀載皆言辰州矣舊志錄自明始今悉據史補入至苗民蠢動則另編不復贅云

明

洪武三十一年大水沿河居民漂流殆盡 府志

永樂十四年大水官舍民居盡淹沒 府志

宣德五年十一月虎帝曰能使渡河者何人也勅其守令

修政 何喬遠名山藏

天順二年饑 明史五行志

三年自正月至八月不雨河澗斷流種植幾絕府志

四年野地禾黍蔓生民賴以活府志

成化五年大水城市通舟壞城郭漂沒官民廬舍府志

宏治元年旱免本年夏稅府志

正德四年旱府志

五年大水府志

六年冬十月晦夜府前火延及譙樓科房東舍府志

七年大水街衢通舟府志

十年十一月雨土著人衣及樹葉皆黃府志

十一年蝗府城譙樓串房火府志

沅陵縣志

卷三十九

祥異

三

十三年大旱府志

嘉靖二年大饑府志

八年水府志

十一年夏大水府志

十三年八月星隕如雨湖南通志補

十六年城東小園白桂忽開丹華秋姚璋鄉試領解是歲

馬伏波祠火府志

十八年荒大旱府志

二十三年旱府志

二十四年正月至五月大澇六月至次年正月不雨民大

饑 府志

二十六年大旱民多饑死府城樓火 府志

三十年秋旱民大饑巡撫張某奏免其租稅十之六 府通志

三十八年大水 舊志

三十九年五月大水 府志

四十五年大水 舊志

隆慶五年五月二十七日霪雨至六月初四日水高數丈

淹沒廬舍田地死者無算 府通志

萬歷四年彗見西南方經兩旬始滅 府志

十五年府學文廟左楹產金色芝一本其香異常 府志

沅陵縣志 卷三十九 祥異

四

十六年府學署蘭開花一本九畹 府志

十七年旱城中火自西關延燒至縣學前縣署西城樓及

四牌樓俱燬 府志

十八年大旱升米至一錢八分 舊志

二十二年大禊 舊志

二十六年霪雨連旬水高數十丈舟行屋上城垣民舍皆

圯浦市居民財貨漂流幾盡 府志

三十六年四月大水 舊志

三十七年大水 府志

三十九年大水 府志

四十年大水入城府志

四十一年大水入城公私廬舍皆圮舊志

四十六年大水舟從女牆入城田宅皆毀八月蚩尤旗見

東方白氣如練長竟天府志

按通志作四十五年辰州大水入城今從州縣志

四十七年大水府志

天啟三年翫平溪生豕猪身人足一目十月特生犢一身

兩頭三尾府志

按舊府志及縣志云天啟三年民家產牛有兩頭四目四耳八足二尾又民家產豕人足隻眼事相同而微異

沅陵縣志

卷三十九

祥異

五

崇正四年地震府志

九年大水府志

十二年大旱舊志

十三年大旱府志

十四年五月初六日大水民屋漂流水盡淹沒濱河居民

溺死萬計嗣亦頻有水災已而大旱舊志

十五年大旱府志

十六年癸未三月至八月不雨大饑民食葛根殆盡爭掘

土中白泥口佛粉食者多病哽塞死府志

甲申兵變米每石價四兩鹽每包價三兩自是城市歲遭

焚掠 舊志

國朝

順治三年丙戌大旱秋七月地震 舊志

四年丁亥大旱斗米五錢 舊志

五年戊子春大疫秋大旱斗米價值一兩民飢疫死者無

算 府志

八年辛卯大饑斗米七錢 舊志

九年壬辰大旱四月至八月不雨米價騰貴民多饑死 舊志

十年癸巳大旱飢人相食 舊志

十一年甲午十月有流星自東而西頭五色尾白長數丈

沅陵縣志 卷三十九 祥異

六

其光燭地 府志

十二年乙未我辰尙爲黔寇所據有鳥萬計色黑如鳩自

北而南其飛集處草爲盡赤 府志

十八年辛丑四月雪五月大水舒溪出蛟孟秋又雪 府志

康熙元年壬寅春大水夏大水 舊志

二年癸卯大水 府志

三年甲辰十一月彗星見 舊志

四年乙巳彗星復見 府志

六年丁未大旱 府志

七年戊申太白晝見 府志

十年辛亥六月至八月不雨蟲食禾 舊志

十八年己未大旱五月二十四日至十月不雨諸縣皆大

饑九月桃李花竹生筍 舊志

十九年庚申春夏大饑山鼠食禾 舊志

二十年辛酉四月霪雨彌月大水暴發山崩沙擁田土衝

塌成溪秋收時山鼠食禾 舊志

二十三年甲子五月大雨經旬水漲舟行入市屋宇傾圮

民徙入山秋大旱是年丁糧蠲半 府志

二十七年戊辰五月十二日大水舟入城中六月六七兩

日浦市水府廟側民基下吼聲如雷 府志

沅陵縣志 卷三十九 祥異 七

二十九年庚午十一月二十九日大雪至十二月初五日

雪深三尺寒甚 舊志

三十五年丙子旱復水仲冬龍泉寺開牡丹紅變白 舊志

三十八年己卯十月立冬前四日大雪電雪雹 舊志

三十九年庚辰十二月二十四日大雪日暮大雨雷電交

作繼復飛雪雜以冰雹 府志

四十一年壬午火自府前起沿燒四牌樓上南門民舍數

百家是歲民居屢有火災江南岸或日燒數次 府志

四十三年甲申旱 舊志

四十四年乙酉夏雨水漲府城南二門傾陷女牆皆崩十

月浦市火 舊志

四十五年丙戌夏大旱米穀騰貴奏准賑恤民賴以蘇十

二月浦市火巡司衙舍燬 府志

五十二年癸巳正月至五月霪雨 舊志

五十七年戊戌馬底驛出蛟衝毀溪橋 府志

雍正元年癸卯五月辰陽驛居民雞多生三足 舊志

三年乙巳六月大水入城 舊志

六年戊申旱 舊志

七年己酉荒旱界亭出蛟 府志

八年庚戌五月十一日慶雲見自巳至酉 舊志

沅陵縣志 卷三十九 祥異 八

按巡撫趙宏恩題卿雲獻瑞疏中云據辰州府沅陵縣知縣趙念曾詳報同日縣屬西南忽見五色祥雲紅光繚繞諸狀玲瓏自巳至酉

十年壬子正月初六日中南門內火自縣學前起至協署

前止 府志

十三年乙卯大水六月旱 舊志

乾隆五年庚申六月雨雹大如磚 府志

七年壬戌五月水入城民飢旋旱不害稼 舊志

八年癸亥縣署火 舊志

十年乙丑六月火自中南門起至協署前止十月東關復

大火 舊志

十一年丙寅四月大雨河水驟漲 府志

十三年戊辰五月大水入城六月水再入城歲稔 府志

十五年庚午五月十九日至六月初五日連縣大雨水衝

田屋淹沒男婦十五人奏准賑卹 府志

十八年癸酉夏秋旱蟲飢民有食佛粉者十月東門大火

二十年乙亥七月百羊坪粟姓產牛一身兩首東城灣大

火是歲有年 府志

二十一年丙子四月二十三日戌刻船溪驛驟雨綠莎溪

水漲衝壞田畝縣請借給社穀免其息是歲有秋 府志

沅陵縣志

卷三十九 祥異

九

二十二年丁丑五月大水六月旱既而大雨不害稼 府志

二十三年戊寅四月旱既而雨不害稼九月火自黃甲巷

對門起至天后宮對門止 府志

二十四年己卯四月茶溪出蛟 府志

二十六年辛巳六月大水望城坡劉姓雄雞生卵殼微紅

內白無黃是歲大有年 府志

二十七年壬午三月辰陽驛大火延燒數十家七月三十

日界亭驛之木旺溪張延先妻一產三男是歲有秋 府志

二十八年癸未正月初六日火自下南門起至黃甲巷止

四月城中泥雨片刻瓦屋皆集分許城東李樹結豆實

長寸許西關外產狗一身二頭八足冬至雷十二月二十八日夜復雷府志

二十九年甲申春夏暴雨連綿晴不數日鄰郡衝隄壞田舍者甚眾河旋漲旋消幸保無患夏至前白田頭地裂縣之對河亦地裂不爲害是歲稍有年府志

三十年乙酉五月米價驟昂至五兩一石六月二十日辰河水漲入城街衢水深五尺沿河廬舍低者間被淹沒次日水卽消田禾不甚損府志

三十一年丙戌二月府學宮大成殿外產五色芝採
四十年乙未饑採

沅陵縣志

卷三十九

祥異

十

四十一年丙申饑兩載間斗米千錢人食草木實且盡採

四十六年辛丑七月慶雲見歲大熟採

五十六年辛亥三月西關外火焚廬舍百九十餘家自月城至通河橋正街蔡宅左牆止採

五十九年甲寅四月十五日晝晦自辰至巳移時大雨霽後天明如故十一月二十六日雪有麕晨入城東門至尤家巷口龔元燮見聞錄

六十年乙卯正月朔日食十五日月食是月黔苗變二十四日郡城戒嚴二月朔苗焚浦市城中遷避一空五月十八口城東王家冲地陷舊有廟祀黃元仙女陷入地

纔露脊數寸是月長田鋪出人熊五

見聞錄

嘉慶元年丙辰長星見

採

二年丁巳九月桃李花實如丸梨亦花東關徐氏宅牡丹

大放

見聞錄

四年己未三月城內龍頭井自二十日午後輒有亂石從空擊人舍十餘日始止四月六日西關外中衢忽起虹氣盈三四尺初不甚高漸齊簷牙五色斑斕人對立不

相覩

見聞錄

六年辛酉米價每石銀八兩市物翹貴民不聊生桃溪隔

巖溶出蛟

採

沅陵縣志

卷三十九

祥異

十一

七年壬戌六月初十日大風屋瓦起空中大木盡拔牆壁多傾圮是時不雨積旬苗盡槁月杪清水鋪村人蕭某偕妻妾男僕芸田日午雨暴作忽雷擊三人死蕭遙擲對山石崖上了無損僕背丹書如古篆七月二日城內傳仁源店雷穿屋瓦入擊簷柱破火光一綫自天井飛出始大震同時西鄉臉匠灣雨雪珠如蠶豆大

見聞錄

九年甲子九月三十日五更天上紅光如匹練自西而東

沒於地聲震如礮已而地動

見聞錄

十年乙丑四月八日巳刻晦人秉燭出入旋復明未刻晦

轉甚

見聞錄

十二年丁卯饑斗米錢千二百夏旱秋後雨田獲晚禾蕎
大熟採

十六年辛未八月十七日夜彗星見斗分尾數丈指東屆
冬初始隱見聞錄

十八年癸酉六月二十八日天雨黑沙至次日止自是月
至八月不雨歲大歉見聞錄

十九年甲戌大旱禾稼槁死歲大歉見聞錄

二十四年己卯大旱見聞錄

二十五年庚辰夏大旱十月二日夜四鼓紅光燭地時郡
試諸童仰見天上金光晃盪睽眴不定移時始息見聞錄

沅陵縣志

卷三十九祥異

十二

道光元年辛巳秋不雨連三月九月杪陰雨積日天氣沈
黯大疫郡守林嵐病疫死署中死者數人十月十日始
雨十一日晨黃霧四塞久之復大雪深五尺餘是歲有
年見聞錄

二年壬午元日雪至二月朔始止盡一月纔三日晴三月
城中雞無雌雄翼下皆生爪或二或三如距是歲大有
年見聞錄

按史載東魏有獻雛雞四翼四足者世祖以問侍中崔
光光曰漢元帝時有雌雞雄又有雄雞生角雞之爲異
古有之也

四年六月朔日初出滿輪紅點無光惟下一綫明移時左側一綫明下復紅黯明處似新月日輪動搖閃爍閱二

時始定

見聞錄

六年丙戌五月二日酉刻西門外火焚廬舍百三十餘至通河橋正街蔡宅左牆止

採

九年己丑七月五日夜流星自東而西大如盃色赤尾數丈紅綠色光射地如月有聲震耳九月九日府署火

見聞

錄

十年庚寅五月大水城市低窪處水深三四尺二十五日初更星隕自北流於南大如杯有聲如礮初綠色漸紅

沅陵縣志

卷三十九

祥異

十三

光照地如日九月邑南鄉蠟塘胡姓妻一產三男又有產蛇及生子頭有角者皆胡姓同時事也

見聞錄

十一年辛卯五月初旬大雨城市低窪處水深五尺餘傍河居民避居城上水旋消旋漲至十五日大漲城不沒者二版舟行市中七月十四日日綠色至午刻綠始漸減十五日亦然八月朔辰刻日下有黑雲一團盪漾踰

時始散

見聞錄

十二年壬辰自九月至十二月雨雪連綿不止米價驟昂民多饑死是歲牛災

見聞錄

十三年癸巳五月大水至府坡下

以下採續

二十三年癸卯八月長星晝見

二十四年甲辰二月二十六日夜雨雹大如拳八月縣學
宮崇聖祠產芝

二十六年丙午八月縣學宮崇聖祠產芝

二十八年戊申四月大水至縣學宮牆外

二十九年己酉七月長星晝見是歲大歉米石至錢十六
貫饑死者相枕籍村舍或空無人饑民幾爲變賴鍾守
音鴻以慈張令景垣以斷亂始甯秋後復大熟

咸豐二年壬子四月十三日中南門外火

三年癸丑有年米升十三錢

沅陵縣志

卷三十九

祥異

十四

四年甲寅有年

五年乙卯四月十九日西門外火焚廬舍三百餘至通河
橋正街蔡宅左牆止是月大水邑西鄉明溪出蛟壞民
田廬冬東鄉梓木溪地鳴若雷逾時始止

七年丁巳虎谿書院桂重華五出

八年戊午邑東鄉麻泖蚩蝗是歲客山崩府署面山也次
年遂有移關設常之舉

九年己未八月流星見東北光芒數十里是歲大有年

十一年辛酉七月二十六日夜星孛於斗光如月尾數百
丈貫翼軫八月朔日月合璧

同治三年甲子十一月十九日圓妙觀燬邑中大道場也
四年乙丑上鄉蟲食禾形如蠶

五年丙寅三月城北楊氏園柑有實大如拳十一月十五日
日上南門正街火是歲大有年

六年丁卯九月界亭驛天雨豆色赤各鄉膏桐皆花十月
梨花有實

七年戊辰六月十六日邑東鄉怡溪雨雹損禾

八年己巳四月舒溪荔溪浦市出蛟者七壞民田廬甚鉅
舒溪內一村山崩俱陷沒

論白天人感應之理其微矣哉漢劉子政有言曰和氣致

沅陵縣志

卷三十九

祥異

論

十五

祥乖氣致異祥多者其國安異眾者其國危其言至悚切也周禮大司徒以荒政十有二聚萬民又大荒大札則有移民通財舍禁弛力薄征緩刑之政聚民之心亦何其勤彼謂天變不足畏民窮不足恤者悠悠蒼天此何人哉吾沅邊區抑又瘠土也一遭凶荒死徙流亡相踵續己酉大侵垂二十年民顛越疲荼無起色嗚呼溝瘠纍纍且相督出饑敝餘資效卜式忠紓國患民俗何厚良司牧勤恤之不暇疇忍鞭迫捶逐重相困乎雖然天心至仁凡疵癘天札之患羣自取也天道無親常富善人吾人庶亦易慮回向積善心相感召甯渠不見蕃祉之日臻者乎